



Inatsisartuni ilaasortaq Hans Enoksen  
Inatsisartut  
/MAANI

INDGÅET

29 APR. 2014

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Angallatinut 6 meterit sinnerlugit angissusilinnut qaleralittassiissutit pillugit § 37-mut apequteqaammut akissut**

11-04-2014  
Sulip normua. 2014-098547  
Upp. normua 1546847

Inatsisartut suleriaasianni § 37, imm. 1 naapertorlugu aqutsiveqarfinni Upernavimmi, Uummannami Qeqertarsuullu Tunuani angallatinut 6 meterit sinnerlugit angissusilinnut qaleralittassiissutit pillugit Naalakkersuisunut apequteqarputit. Apeqquut uannut akisas-sangorlugu innersuusutigineqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

Apeqquut:

1. Avannaani qaleralinnut aqutsisoqarfimmi Upernavimmi, Uummannami, Kiisalu Diskobugt-imi ukiumut pisassat qaleralittassat qaffanneqarnikuupput, 6-meter sinnerlugu angallatilinnut pisassat sulii qaffanneqangitsut aalisariutaatilinnik oqaatigineqaqattaarput kvote-t angallataatilinnut qaffanneqarpaat? Imaluunniit qaffanniarneqarpaat? Aammalu tamanna qaqugu pissava?
2. Aalisariutinut 6-meteri sinnerlugu angissusilinnut pisassat amigartut tunniunneqarsimasut qaqugu aaqinneqassappat?

Akissut:

1)-imut

Eqqorpoq 2014-imi aqutsiveqarfinni Upernavimmi, Uummannami Qeqertarsuullu Tunuani sinerissap qanittuani qaleralittasseeqqinnerit taamaallaat umiatsiaararsortunut tunniunneqarmata. Tamanna peqquteqarpoq 2013-imi umiatsiaararsortunut pisassiissutit annikippallaarlutik sukkavallaamik aalisarneqarsimmata. Akerlianik angallatinut 6 meterit sinnerlugit angissusilinnut pisassiissutit eqqarsaatigalugit taamaassimangilaq. Ineriartorneq malinnaaviginiarlugu, tassalu aalisarneq tunitsiveqarnerlu tunngavigalugit sinerissami ataavartumik aalisarneq aamma suliffissaqartitsiniarneq eqqarsaatigalugit umiatsiaararsortunut pisasseeqqittoqartarnera isiginiarlugu Naalakkersuisut aalajangerput aqutsiveqarfinni taakkunani pingasuni umiatsiaararsortunut pisassiisarnerit 2013-imut naleqqiullugit ukiortaamiit nalimmassarniarlugit.

2)-mut

Aqutsiveqarfinni Upernavimmi, Uummannami aamma Qeqertarsuup Tunuani angallatit 6 meterit sinnerlugit angissusilinnut pisassiissutit annertussusaat pillugu atuuttuusunut aaqqiissuteqarniarlutik Naalakkersuisut suliaqarput. Suliami matumani taamaallaat tunngavigineqassapput 2013-imi pisassiissutit annertussusaannut naapertuuttunngorsaariluni naqqiuteqarnerit. Aalajangiinissamut tunngavissiaq naatsorsuutigineqarpoq maajip aallartisimalernerani 2014-imi suliarineqassasoq.

Inussiarnersumik Inuulluaqqusillunga

Finn Karlsen